

Broj: 02-202/21
Sarajevo, 15. 01. 2021. godine

Na osnovu člana 136. Zakona o visokom obrazovanju ("Službene novine Kantona Sarajevo", br. 33/17, 35/20 i 40/20), člana 108. Statuta Univerziteta u Sarajevu (broj: 01-1093-3-1/18 od 28.11.2018. godine) i prijedloga prodekana za nastavu Elektrotehničkog fakulteta u Sarajevu od 14. 01. 2021. godine, dekan Elektrotehničkog fakulteta u Sarajevu, donosi

ODLUKU

o načinu organizacije završnih ispita iz nastavnih predmeta
zimskog semestra u studijskoj 2020/2021. godini
u januarsko-februarskom ispitnom roku

I Prvi termin januarsko-februarskog ispitnog roka

1. Pismeni dijelovi završnih ispita (bilo u regularnoj, bilo u integralnoj varijanti) iz nastavnih predmeta svih godina oba ciklusa studija, uključujući i stručni studij "Razvoj softvera", u prvom terminu januarsko-februarskog ispitnog roka, organiziraće se u pravilu u online režimu rada.
2. Iznimno, ukoliko predmetni nastavnik na tome insistira, može se na zahtjev odobriti izvođenje pismenog dijela završnog ispita u prvom terminu januarsko-februarskog ispitnog roka uživo, u prostorijama Fakulteta, pod uvjetom da cijelo izvođenje ispita može nastavni ansambl preuzeti na sebe, bez potrebe za angažmanom dodatnih dežurača (ovo se uglavnom odnosi na ispite s manjim očekivanim brojem studenata koji će mu pristupiti), naravno uz poštivanje svih epidemiološko-higijenskih mjera, uključujući ograničenje na maksimalan broj studenata u učionici. Nastavnici koji žele organizirati ispit na ovakav način dužni su o tome upoznati Prodekana za nastavu najkasnije do ponedjeljka, 18. 01. 2020. godine i oglasiti to na web stranici predmeta najkasnije do srijede 20. 01. 2020. godine.
3. Što se tiče usmenih dijelova završnih ispita, na predmetima gdje su takvi predviđeni, oni se mogu organizirati bilo online u vidu razgovora "jedan na jedan", bilo uživo u prostorijama Fakulteta, uz poštovanje odgovarajućih epidemiološko-higijenskih mjera. Nastavnici koji planiraju organizirati usmeni dio ispita uživo, dužni su o tome upoznati Prodekana za nastavu najkasnije 5 dana prije planiranog termina održavanja usmenog ispita.

II Drugi termin januarsko-februarskog ispitnog roka

1. Pismeni i usmeni dijelovi završnih ispita iz nastavnih predmeta svih godina oba ciklusa studija, uključujući i stručni studij "Razvoj softvera", u drugom terminu januarsko-februarskog ispitnog roka, organiziraće se u pravilu uživo, u prostorijama Fakulteta, ukoliko u međuvremenu ne dođe do pogoršanja epidemiološke situacije.
2. U slučaju kada predmetni nastavnik smatra da može kredibilno održati online ispit i u drugom terminu januarsko-februarskog ispitnog roka, dopušta mu se organizacija ispita na takav način. O tome je potrebno blagovremeno obavijestiti Prodekana za nastavu, kao i studente putem web stranice kursa.
3. Svi nastavnici koji će držati pismene dijelove završnih ispita u drugom terminu januarsko-februarskog ispitnog roka uživo, dužni su najkasnije do srijede, 10. 02. 2021. godine poslati Prodekanu za nastavu procjenu očekivanog broja studenata koji bi pristupili ispitu, da bi se mogao napraviti odgovarajući raspored ispita po učionicama, kao i raspored angažmana dodatnih dežurača tamo gdje je to potrebno.

III Opće odredbe

1. Nastavnici koji izvode online ispite, trebaju obezbijediti da isti budu jednake težine kao i ispiti koji se rade uživo. Naime, učestali su prigovori studenata da pojedini nastavnici daju prevelik značaj mogućem prepisivanju na ispitima, te se samim tim kreiraju jako teški i obimni ispiti koje je teško položiti.
2. Kod online ispita, preporučuje se razdvajanje vremena za izradu ispita od vremena za slanje. Također, potrebno je predvidjeti više od jednog načina za slanje ispita (C2, Zamger, email, itd.). Naime, nerijetko dolazi do tehničkih problema zbog kojih studenti nisu u mogućnosti da izvrše slanje ispita na jedan tačno određen način. U tom slučaju, mora im se omogućiti alternativa. Također, predmetni nastavnik može odobriti produženje vremena za izradu pismenog dijela završnog ispita ukoliko procijeni da studenti ne mogu isti završiti u predviđenom vremenu.
3. U slučaju tehničkih poteškoća koje se objektivno mogu pojaviti u toku realiziranja online ispita unutar odgovarajuće e-platforme, student je dužan, nakon okončanja ispita (u periodu ne dužem od 120 minuta), uputiti poruku elektronske pošte predmetnom nastavniku, prodekanu za nastavu Elektrotehničkog fakulteta u Sarajevu i administratoru sistema, sa tačnim podacima o konkretnim tehničkim poteškoćama i problemima koji su nastupili (nestanak električne energije, prekid konekcije, kvar računara ili kamere i slično). Ako se utvrdi da se radilo o opravdanim razlozima, za takve studente će se organizirati polaganje pismenog ispita uživo u prostorijama Elektrotehničkog fakulteta u Sarajevu, na način propisan Zakonom o visokom obrazovanju i u skladu sa sadržajem nastavnog programa iz odgovarajućeg nastavnog predmeta, uz obavezno provođenje svih epidemiološko-higijenskih mjera, a pristup polaganju ispita će se organizirati bez odlaganja, u što kraćem vremenskom roku od završetka pismenog ispita iz datog nastavnog predmeta.
4. U slučaju kratkotrajnog prekida konekcije na računaru, studenti mogu koristiti 3G mrežu putem mobilnog telefona i na taj način osigurati vidljivost radnog prostora, a samim tim i nastavak izrade online ispita. Prelazak na prikaz prostora putem mobilnog telefona neophodno je ostvariti u što kraćem vremenskom intervalu (ne dužem od 120 sekundi).
5. Za sve ispite koji će se održati u online režimu, u cilju minimiziranja eventualnih zloupotreba prilikom polaganja ispita, te u cilju utvrđivanja autentičnosti i vjerodostojnosti urađenog sadržaja ispita, predmetni nastavnici mogu zatražiti od studenata da sačuvaju rukopise skeniranih materijala, koji će se naknadno provjeriti.
6. Kada postoje osnovane sumnje u vjerodostojnost polaganja online ispita, predmetni nastavnik može organizirati dodatni online razgovor sa ciljem provjere urađenog rada. Online razgovor se realizira u prisustvu predmetnog nastavnika, predmetnog saradnika ili drugog predmetnog nastavnika. U slučaju utvrđivanja nepoznavanje ispitne materije koju je student ranije uradio i dostavio predmetnom nastavniku, predmetni nastavnik ima pravo da ne prizna urađeni rad.

IV Epidemiološko-higijenske mjere

1. Prilikom pristupanja ispitu koji će se realizirati uživo u prostorijama Fakulteta, student je obavezan dostaviti potpisanu izjavu o zdravstvenom stanju (izjava će biti dostupna na internet stranici Fakulteta), u suprotnom neće moći pristupiti prostorijama Fakulteta.
2. Tokom cijelog trajanja ispita uživo u prostorijama Fakulteta, studenti su dužni nositi zaštitne maske, u suprotnom će biti odstranjeni s istog.
3. Dežurajući na ispitima obavezni su nositi zaštitne maske tokom cijelog trajanja ispita.
4. Na ulazu u prostoriju u kojoj se održava ispit, studentu će prije početka rada biti izmjerena tjelesna temperatura. Za mjerenje tjelesne temperature zaduženi su dežurajući na ispitima.
5. Ukoliko student iz opravdanih razloga ne može pristupiti ispitu koji se održava uživo u prostorijama Elektrotehničkog fakulteta u Sarajevu (bolest, simptomi COVID-19, izolacija i slično), dužan je o tome podnijeti odgovarajuće dokaze od nadležnih zdravstvenih i drugih institucija. Ukoliko su u pitanju nemedicinski razlozi, student je dužan dostaviti potpisanu i ovjerenu izjavu o razlozima nemogućnosti dolaska. U slučaju postojanja takvih opravdanih okolnosti, studentu će se omogućiti naknadno polaganje ispita.
6. U slučaju pogoršavanja epidemiološke situacije u Kantonu Sarajevo, Federaciji Bosne i Hercegovine i Bosni i Hercegovini, a što za posljedicu bude imalo izmjene preporuka/naredbi nadležnih organa, svi

parcijalni ispiti iz nastavnih predmeta u zimskom semestru studijske 2020/2021. godine održat će se u online režimu, uz pomjeranje za sedam dana u odnosu na prethodno utvrđeni termin i raspored.

7. Izmjene i dopune ove odluke, kao i eventualno usklađivanje vršit će se u zavisnosti od epidemiološke situacije i preporuka/naredbi nadležnih organa, na način i pod uvjetima kako je i donesena.

DEKAN

Prof. dr. Jasmin Velagić

Dostaviti:

1. Dekan
2. Prodekan za nastavu
3. Akademsko osoblje
4. Internet stranica
5. a/a